

PAPAKILO [Hawaiian Newspapers Collection](#) [Menu](#) ▾[Translate](#)
www.weblio.org

Ko Hawaii Pae Aina / 20 November 1880

/ HUAKAI MAKAIKAI A NA OPIO O KE KULA HANAI O HILO, I KA LUAOPELE.

Ko Hawaii Pae Aina, Volume III, Number 47, 20 November 1880
— HUAKAI MAKAIKAI A NA OPIO O KE KULA HANAI O HILO, I KA
LUAOPELE. [ARTICLE][Back](#)HUAKAI MAKAIKAI A NA OPIO
O KE KULA HANAI O HI-
LO, I KA LUAOPELE.E KO HAWAII PAE AINA : *Aloha oe* :—Oiai he malibini au imua o kou imua
kolamu, nolaila ke noi aku nei au i kou
oluolu pihā, e hookomo iho i keia mau
wahi mea hou, nona ke poo maluna ae.Ma ka Poulima hope o ka mahina i
hala, Oct. 29, ua puka mai la ka olelo
hoolana manao a ko makou kumu alo-
ha W B Oleson, e i ana, ua ke kakahi-
aka Poakahi, e hookuu aku ana au i na
baumana e makemake ana e pii a e ma-
kaikai hoi i ka ui hookalakupua o Ha-
lemaumau. Ma ko makou lohe ana i
keia mau huaolelo, ua pii ae la ka ika-
ika o na manao hauoli a hiki i na capil-
laries a me na aa hoi o ka nui kino ho-
lookoa. A mamuli hoi o ko Hon. F S
Lyman oluolu nui, ua kokua mai la oiai ka haawi ana mai i mau halelolo eko-
lu no makou e malu iho ai.Ka pii ana.—Ma ke kakahiaka nui o
ka Poakahi ana ae, ua hoomakaukau li-
ke mai la na hua hō ke naue ana aku i
kahi o ua ui nei. I ka makaukau ana,
ua haalele iho la makou i ka home hoo-
nui ike i ka hora 7 a m. O ko makou
nui o ka pii ana, he 34, a he 20 a oi aku
i noho, no ko lakou hiki pono ole ke
pii i kela wahi loa nui wale.I ko makou pii ana he 8 maluna o na
lio, a ia lakou hoi na wahi ukana o ma-
kou, a o ke koena iho, he kuoe wawae
wale no. I ka haalele ana i kahi aoka-
naka ua halawai mai la ko'u mau ono-
himaka ma ka ike ana aku i na kumu
puhala a me na kumu oi, a pela aku.I ka hiki ana aku ka hana i kahi i
kapaia o Pua'aloa, aia ia wahi makai
iki mai o ka nabele uluwehi o Paieie,
ua hooluana iho la makou malalo o na
malu laau manako me ka oluolu, a ua
lokahi ae la hoi na puuwai opio i ke
mele ana i keia mele, "My Loving
Forest," a he mau mele e ae no hoi ke-
kahi. O ka poe hoi keia maluna o na
lio, sohe ike wale iho ia Malio.I ka hiki ana o ka manamana kahi-
kuhi o ka wati pakeke i ka hora 9, ua
haalele iho la makou ia wahi a nane
aku la iloko o na lau nabelehele, me na
manu oo hoi e kikiko'u ana i ka pua li-

ko lehua o na Panaewa nui mokulehua ohia e kupu haooe nei i ka wi a ka manu a me na ala lau nabele e hoona nea ana i ke kamahale; a hooa aku la makou ma Kukulu, a luana iho la no kekahi mau minute malaila, a nane hou aku la ia kula loa, he pahohoe wale aku no ia wahi.

Mamua o ka hiki ana ae i ka hora 12 puka aku la makou ma kahi o Nai'a ma Oluu. Ua hookipa mai la na kamaaina me ka mahalo, a paina malaila no kekahi mau minute. Haalele iho la ia laia i ka hora 12 a oi, a nane aku la no ka hoaumoe ana aku ma Kapae, mauka hoi o Kanekoa. I hooa aku ka hana, e kuku mai ana na halelole me ka makaukau, koe aku la hoi he 13 mile alaila hiki aku i kahi o ka ni, kahi hoi o kau nui nei. Ua moe iho la ia po malaila, a ma ka hora 5 paha, haalele iho la makou ia wahi no Kaluaopele.

Ia makou e pii nei, hoohahi mea uluhua nui wale o na moku ohia, hala ae ana keia, hooa mai ana hoi kekahi, oi hele aku a uluhua. Ma ka hora 11 a oi iki hooa ana makou i ka pali o Kasuea kiei ana hoi i ke ahi a ka Wabine.

Ma ka hora 7 hoi o ke kakahiaka Poakolu, ua liuliu like ae la na hoa e iho i kahi o ke ahi, me ka uku pakahi ana o na hoa he 30 keneta no ke pailata. I ka ike ana aku keia, he ku i ke

hooa mai ana hoi kekahi, me he mau 'la e poi ana i ka pali kakakai.

O ka loa mai ka hotele a hiki i ka lua, he 3 mile. I ka hoi ana mai paina a luana a po ia la. Ma ka Poalima, ua huli hoi mai la no Hilo me ke mele ana. I ka hoi ana mai keia, puka ao kahi poe, puka po kahi, a moe aku no kahi poe i Kukulu.

E oki au maanei. Me ka Lunahoo-ponopono ko'u iini a me na keiki hoonoho hua metala ko'u aloha. 'Owau no

F R KAWAOKALANI.

Kula Hanai o Hilo, Nov. 11. 1880.

Ma Pahohoe, Kona Hema, ua hanau mai la o Solomona Alohikea, na J W Kuaimoku me Mrs. L Kuaimoku.

This article has been automatically clipped from the Ko Hawaii Pae Aina 20 November 1880, organised into a single column, then optimised for display on your computer screen. As a result, it may not look exactly as it did on the original page. The article can be seen in its original form in the [page view](#).